

২০২৫

বাংলা — সাম্মানিক

চতুর্থ সেমিস্টার

পত্র : DSCC-7

(বাংলা কথাসাহিত্য - ১)

পূর্ণমান - ৭৫

প্রাপ্তলিখিত সংখ্যাগুলি পূর্ণমান নির্দেশক।

উত্তর যথাসম্ভব নিজের ভাষায় লেখা বাঞ্ছনীয়।

- ১। (ক) ‘কপালকুণ্ডলা’ উপন্যাসে প্রকৃতির ভূমিকা আলোচনা করো। ১৫

অথবা

- (খ) ‘কপালকুণ্ডলা’ উপন্যাসের উপকাহিনিটির প্রয়োজনীয়তা ও সার্থকতা বিচার করো। ১৫

- ২। (ক) আঞ্চলিক উপন্যাস কাকে বলে? ‘পদ্মানদীর মাঝি’ উপন্যাসটিকে আঞ্চলিক উপন্যাস বলা যেতে পারে কি না তা আলোচনা করে বুঝিয়ে দাও। ৩+১২

অথবা

- (খ) “হোসেন মিঞার দ্বীপটি যেমন গ্রামবাসীদের পক্ষে বেহেস্ত জাহান্নামের অদ্ভুত সংমিশ্রণ, সেইরূপ হোসেন মিঞা নিজে তাহাদের বিধাতা পুরুষ।” — এই মন্তব্যের আলোকে হোসেন মিঞা চরিত্রটি বিশ্লেষণ করো। ১৫

- ৩। (ক) একটি মূক ও বধির মেয়ের জীবন যন্ত্রণার যে ছবি ‘সুভা’ গল্পে চিত্রিত হয়েছে, তা পর্যালোচনা করো। ১৫

অথবা

- (খ) রবীন্দ্রনাথের ‘নিশীথে’ গল্পটি অতিপ্রাকৃত শ্রেণির না মনস্তাত্ত্বিক গল্প তা যুক্তিসহ বিশ্লেষণ করো। ১৫

- ৪। (ক) “আমি এতকাল হিন্দুদিগের দেবমূর্তির মতো ছিলাম। বাহিরে সুবর্ণ রত্নাদিতে খচিত, ভিতরে পাষণ্ড” — কে, কাকে একথা বলেছে? কথাটির মাধ্যমে সে কী বোঝাতে চেয়েছে? ১+১+৩

অথবা

- (খ) “তুমি ত কখনও রূপ দেখিয়া উন্মত্ত হও নাই।” — বক্তা কে? তার এই উক্তি কারণ কী? ১+৪

Please Turn Over

(2863)

- ৫। (ক) “ঘর যাহাদের পড়িয়া গিয়াছিল তাহারা সকলে খুশি হইয়া উঠিল। যাহাদের ঘর পড়ে নাই তাহারা দুঃখিত হইয়া ভাবিল, ঘর দুয়ার তাহাদেরও পড়িয়া গেলে মন্দ হইতো না।”— প্রসঙ্গ উল্লেখ করে ব্যাখ্যা করো। ৫

অথবা

- (খ) “জন্ম হইতে অভ্যস্ত বিকলাঙ্গটি এতকাল পরে মালাকে বিশেষভাবে কাতর করিয়াছে।”— প্রসঙ্গ উল্লেখ করে বক্তব্যটির তাৎপর্য লেখো। ৫

- ৬। (ক) ‘দেনাপাওনা’ গল্পের রামসুন্দর মিত্র চরিত্রটির সংক্ষিপ্ত পরিচয় দাও। ৫

অথবা

- (খ) “... আমার সমস্ত ইহজীবনে কেবল ক্ষণকালের জন্য একটি অনন্ত রাত্রির উদয় হইয়াছিল— আমার পরমায়ুর সমস্ত দিন-রাত্রির মধ্যে সেই একটিমাত্র রাত্রিই আমার তুচ্ছ জীবনের একমাত্র চরম সার্থকতা।”— প্রসঙ্গ উল্লেখ করে ব্যাখ্যা করো। ৫

- ৭। সংক্ষেপে পূর্ণবাক্যে উত্তর দাও।

১×১৫

- (ক) ‘কপালকুণ্ডলা’ উপন্যাসের প্রথম খণ্ডের প্রথম পরিচ্ছেদে যে সংস্কৃত শ্লোকটি উদ্ধৃত হয়েছে তার উৎস গ্রন্থটির নাম লেখো।
- (খ) “পতি শ্মশানে গেলে তোমাকে সঙ্গে সঙ্গে যাইতে হইবে।”— বক্তা কে? কাকে উদ্দেশ্য করে কথাটি বলা হয়েছে?
- (গ) “পথিক, তুমি পথ হারাইয়াছ?”— কার উক্তি? ‘পথিক’ কে?
- (ঘ) কপালকুণ্ডলাকে নবকুমারের হাতে কে সম্প্রদান করেছিল?
- (ঙ) “মেয়েমানুষেরও পরশপাথর আছে।”— কার উক্তি? কথাটি কাকে বলা হয়েছে?
- (চ) ‘পদ্মানদীর মাঝি’ উপন্যাসটি কবে গ্রন্থাকারে প্রকাশিত হয়?
- (ছ) হোসেন মিঞা কোথায় ময়নাদীপের পত্তন করেছিল?
- (জ) ‘পদ্মানদীর মাঝি’ উপন্যাসের কেন্দ্রীয় চরিত্রের নাম কী? তার মাছ ধরার সঙ্গী কে ছিল?
- (ঝ) কপিলা কে?
- (ঞ) পদ্মায় কোন্ মাছ ধরার মরশুম চলছিল? সেই মাছ কোথায় বিক্রি করা হত?
- (ট) তোমাদের পাঠ্য রবীন্দ্র-ছোটগল্পগুলির মধ্যে কোন্ গল্পটি ‘শারদীয় আনন্দবাজার’ পত্রিকায় প্রকাশিত হয়েছিল?
- (ঠ) ‘দেনাপাওনা’ গল্পের মুখ্য চরিত্র কে? তার বড়দাদার নাম কী?
- (ড) “মনোরমাকে বিবাহ করিয়া দেশে ফিরিলাম।”— বক্তা কে?
- (ঢ) ‘অতিথি’ গল্পে উল্লিখিত জমিদারবাবুর নাম কী? তিনি কোন্ এলাকার জমিদার ছিলেন?
- (ণ) “মর্মবিদ্ধ হরিণী ব্যাধের দিকে যেমন করিয়া তাকায়...” “মর্মবিদ্ধ হরিণী” কাকে এবং কী কারণে বলা হয়েছে?